

NONNULLA
DE TETANI CAUSA PROXIMA
ET CURA.

DISSERTATIO INAUGURALIS MEDICO-
CHIRURGICA,

QUAM

CONSENSU ATQUE AUCTORITATE AMPLISSIMI
MEDICORUM ORDINIS

IN

UNIVERSITATE CAESAREA LITERARUM
DORPATENSI,

UT GRADUM

DOCTORIS MEDICINAE

RITE ADIPISCATUR,

LOCO CONSUETO PUBLICE DEFENDET

AUCTOR

CONSTANTINUS EB. DE MICKWITZ,
ESTHONUS.

DORPATI LIVONORUM.

TYPIS J. C. SCHÜNMANNI, TYPOGRAPHI ACADEMICI.
MDCCXXIX.

I m p r i m a t u r
haec dissertation sub conditione, ut, simulac typis excusa
fuerit, quinque ejus exempla collegio explorandis libris
constituto tradantur.

Dorpati Livonorum die xxv. mens. Novemb. MDCCXXXIX.

Dr. Joann. Frid. Erdmann,
Ord. Med. h. t. Decanus.

DV-329

P r o o e m i u m .

Studiis meis in Universitate Caesarea Dorpatensi absolutis, in terras exteris, partim ut in institutis medicis, quae ibi florent, in arte salubri magis erudirer, partim ut cognoscerem varios variorum hominum ac populorum mores atque consuetudines, iter suscepi. Illud prius consilium ut exsequerer, Parisiis sex menses sum commoratus, quibus, quamquam aliis quoque negotiis occupatus, praecipue tamen ducibus Dupuytren, Boyer, Roux et Lisfranc, viris clarissimis, magna nosocomia frequentavi.

Ex magno casuum memorabilium numero, quos observandi mihi fuit occasio, unus potissimum mihi tam insignis videbatur, ut jam tum ad dissertationem inaugurealem conscribendam eo uti constituerem; dico tetani tractationem fortissime antiphlogisticam, quae faustissimo gaudebat eventu.

In animo mihi fuit probare illam curandi methodum, atque ex morbi causis, symptomata-

tibus, decursu, denique ex juvantibus et nocentibus demonstrare, hunc morbum saepius, quam plerique arbitrentur, nisi statu systematis nervosi inflammato.

Mox quidem intelligebam, ad hoc argumentum tractandum plus temporis requiri, quam mihi superesset, atque ad ea praestanda, quae in opere ad methodum illam defendendam conscripto postularentur, plus virium atque experientiae, quam quibus equidem gauderem; nihilominus tamen consilium initum pro virium mearum modulo peragere sum conatus; quod quatenus mihi ex voto cesserit, lector benevolus ac benignus jam dijudicet.

Sectio prima.

Definitio tetani.

Tetanus (a verbo *τείνω*, extendere) est spasmus tonicus, qui aut singulos tantum musculos, aut omnino excultus omnes fere corporis musculos et partes fibrosas corripit. In priori casu secundum symptomata, quae quaevis singula muscularum pars correpta ostendit; distinguimus trismum, manductionis et faciei muscularum spasmum; emprosthotonum, muscularum caput et columnam vertebralem in partes anteriores trahentium; opisthotonum, muscularum caput et columnam vertebralem retrocurvantium; pleurothotonum, muscularum caput, collum et truncum in alterutrum latus trahentium. Si omnes musculos corripit, tetanus *κατ' οξύην*, sive tetanus universalis appellatur.

Jam Hippocrates ¹⁾ hunc morbum noverat,

1) Edit. van der Linden. — De dieb. judic. T. I. n. 5. p. 434. — De morb. lib. III. T. II. n. 14 p. 104. — De intern. affection. T. II. n. 60. p. 267. — De victu acut. T. II. n. 4. p. 315. — Aphor. Sect. V et VI et passim.

atque ita delineavit, ut ejus descriptio cum omnium temporum observationibus — si excipias parvas diversitates in extensione, mora et complicationibus - bene consentiat.

Sperans legentibus morbi decursum cum differentiis suis essentialibus et fortuitis esse notum, de ea verba non facio, sed statim ad expositionem causam proximam et curam tetani transeo, quippe quas res potissimum in dissertatione tractandas elegerim.

Sectio secunda.

Tetani natura et sedes.

Haec pars in morbi nostri cognitione semper obscurissima erat, quod inanibus de tetani causa proxima conjecturis, et eo, quod medici in ipso curando maxime sequebantur experientiam, satis probatur. Novissimis demum temporibus, strenui morbi nostri perscrutatores, imprimis Walther²⁾ et Beck³⁾, ad causam proximam melius cognoscendam proprius accesserunt eoque effecerunt, ut hic morbus, antea raro sanatus, methodo magis rationali curari inciperet.

²⁾ Abhandlungen aus dem Gebiete der practischen Medizin. Bd. I. Art. tetanus.

³⁾ Heidelberger Klinische Annalen. Bd. I. Art. tetanus.

Tetanum, ut alios spasmos, aucta nervosi systematis actione niti, jam pridem constabat, sed qua interna nervosi systematis mutatione efficeretur, tantummodo statu partium, quae ad hoc systema pertinent, pathologico perscrutato, cumque morbi symptomatibus, decursu et mora, causis morbum provocantibus certocomparato et collato, accuratius potuit explicari.

In plerisque cadaveribus sectis *) partes systematis nervosi iisque vicinae irritatae inflammataeque reperiebantur, quod fluido seroso inter meninges et cerebrum, in cerebri ventriculis, inter medullae spinalis vaginam et medullam spinalem, inter neurilema et medullarem nervorum substantiam exsudato; vasis cerebri turgentibus, medulla spinali et nervis vulneratis rubentibus, inflammationisque exitibus, intumescentia, induratione, emollitione vel solutione sphacelosa illarum partium demonstrabatur.

*) Morgagni de sedib. et caus. morbor. epist. 10.

De Haen dissert. de tetano. c. III. p. 120.

Walther l. l. p. 120.

Beck l. c. §. 2. p. 278 et observat. II et III.

Chelius Handbuch der Chirurgie. Theil I. §. 316.

Fournier dict. des sciences medicales. Art. tetanus. p. 6 et 7.

Sections-Bericht eines am Tetanus Verstorbenen aus dem Dorpt. Kliniko. Nr. 95. I. Sem. 1829.

In aliis cadaveribus sectis prorsus nihil, quod nervosum sistema inflammatum fuisse probaret, est repertum *), et in casibus ejusmodi mutationes morbosas in eo factas esse, arbitremur oportet, quae hucusque nullo certo reagente detectae et explicatae sint.

Alia post mortem phaenomena, ut musculi coloris lividi facilesque ruptu, nimia sanguinis copia in cordis saccis, in pulmonibus cet. tantummodo ex nervorum actione insolito modo aucta exorta videntur. Digniores, ad quas animum attendamus, saepe reperiuntur exsudationes serosae ac mucosae, atque inflammata organorum nonnullorum per gangliorum sistema nervis instructorum conditio.

His systematis nervosi symptomatibus pathologicis, actionibus ejus abnormibus, impetuosis, morbi decursu plerumque celerrimo, causis remotioribus cet. simul respectis, mox arbitrati sunt, tetanum nervorum vita maxime aucta adduci, quae plerumque in aucta systematis nervosi plasticitate, inflammatione, multo rarius in vitiosa mixtione, morbosa proprietate hujus systematis posita sit.

Secundum hanc sententiam, ut opinor, te-

tanus pro natura sua, causa proxima, in tetanum inflammatorium et tetanum nervosum dividi potest, quae divisio curae maxime momenti est, et quomodo factum sit, ut medendi methodi diversissimae, quin accurate sibi oppositae fausto eventu adhiberentur, maxima ex parte explicat.

Cl. Beck ⁴⁾ hanc divisionem probat, sed praeter tetanum inflammatorium et nervosum etiam atonicum statuit, qui pressa medulla spinali propter succos stagnantes et sanguinem effluentem, et extincta medullae spinalis sensibilitate propter deletum reproducendi processum in ipsa dignatur, et quidem ita, ut nervi peripherici, medullae spinalis dominatione liberati, extra modum agant.

Ad hanc sententiam, tetanum atonicum quoque exstare, refellendam, haec afferri posse arbitror.

Tetanus, sicuti quivis alias spasmus tonicus, effici tantummodo potest nervorum actione maxime adacta, systematis nervosi statu activo, dynamico, cujus vis ad sistema irritabile illas vehementes muscularum contractiones gignit.

Quae adacta nervorum actio nunquam ex atonia exoriri potest, qua ibi videtur modo provocari, ubi in corpore debili omnis vitalitas uno

*) Dissert. inaug. de tetano, auctore Baumann. observ. II., III., IV. et V.

4) L. c. pag. 282.

loco accumulatur, ut modo extravagante consumatur, — aequa fere atque in aegrotis hecticis paulo ante mortem inflammationem animadvertisimus. — Vis nervorum in muscularum fibras motu sensuque demonstratur, quae muscularum actiones sine nervis haud facile cogitari poterunt. Fibrae motus, qui contractione et relaxatione constat, in plurimis musculis ab animi voluntate pendet, interdum vero non, idque potissimum, si corporis status abnormis est, quod phaenomenon non magis explicare possumus, quam cur normales motus a voluntate non pendentes fiant. In statu normali hi motus ita fiunt, ut, quod debeant, sanitatem sustineant. Sin vero nervorum vita inflammatione aliisve irritationibus, tam in recipiendi facultate, quam in reactionis energia ad certum quandam gradum adaucta fuerit, muscularum contractiones fortiores, diuturniores et plerumque a voluntate non pendentes — i. e. spasmodum tonicum — animadvertisimus. Hic spasmus saepius in hominibus robustis, juvenibus, sed etiam in debilibus, irritationibus magis centralibus provocatus, observatur.

Sin vero nervosi systematis facultas recipiendi tantum aucta est, reactio vero celeris quidem, sed parum energica, etiam contractiones fiunt, sed debilores sunt, et, vitalitate cito exhausta, mox desinunt. Vitalitas vero exhausta

restaurandi processu compensatur, actionesque ejus abnormes, contractiones, iterantur. His nervorum actionibus in momentum auctis et relaxationibus, in vicem se excipientibus, spasmi clonici constant. — Hic status energiam debilem indicat, debilitatem, quae dicitur irritabilis, et potissimum in hominibus infirmis, exinationibus cet. antegressis, obvius fit.

Neque tamen semper spasmi clonici debilitatem veram, universalem indicant, nam in multis morbis, ut in epilepsia, in tonicos transeunt, immo semper hic antecedunt illos, et in universum interdum etiam in hominibus athleticis conspicuntur. In his casibus, opinor, credere licet, nervosum systema magis peripherice esse affectum, irritationem ergo minus intensivam, porro spasmos clonicos causis morbum procreantibus provocari, deinde vero ipsos ad gignendos tonicos conferre. Vitalitate enim in momentum exhausta, materia et vis amissa restituitur. Quo processu, quoties iteretur, toties aliquam materiam et vim superfluam gigni verisimile est, ita ut morbosae vitae actiones sequentes antecedentibus semper intentiores fiant, ut tandem momentariae virium actiones in continuas, spasmi clonici in tonicos mutentur. Qua ratione vero illae materiae mutationes fiant, utrum mechanice, an chémice, et quomodo

inde abnormes virium actiones exoriantur, non magis in aegroto, quam in sano corporis statu, expondere possumus.

Tertiam mutationem dynamicam, quae in nervis muscularum motum efficientibus locum habet, appellamus paralysin, reactionem in stimulos, qui in statu sano agebant, prorsus deficientem.

Gigni illa potest nervorum actione mechanice impedita, ut probabiliter extravasato medullae spinalis inter invulnera et ipsam medullam sit, rebus vitalitatem alentibus ademtis, aut denique vitalitate nimis irritata, exhausta, qua tamen tum tantum paralysin gignitur, cum causis ignotis restaurandi processus prohibetur, qua re, si in nonnullis modo nervosi systematis partibus sit, organa per has nervis instruenda paralysi corripiuntur. Quae organa si ad vitam sustinendam necessario opus sunt, statim, ut corde paralysi affecto, mors sequitur. Sin vero medulla spinalis paralysi corripitur, tum ex ejus consensu cum reliqui organismi nervis concludi potest, tum experientia probatum est, certe organa, quibus ganglionum sistema nervos suppeditet, paralysi affici, neque vero illam nervorum peripherorum actionem abnormem, adauitam, oriri.

Hic omniaibus cl. Beck sententia, extare

tetanum atonicum, medullae spinalis paralysi procreatrum, prorsus refutari mili videtur.

Cl. Walther⁵⁾ putat, tetani indolem semper inflammatoria systematis nervosi affectione constare, quae sententia certo mihi refelli videatur eo, quod interdum in cadaveribus sectis nulla prorsus inflammationis symptomata apparebant, quod stimuli inflammationem excitantes desunt, quod tetanus in hominibus debilibus, sensibili bus, imprimis hysteris occurrit, denique felici eventu irritantis, quin etiam roborantis methodi medendi.

Interdum igitur cum cl. Richter⁶⁾ putemus oportet, tetanum mutatione systematis nervosi ex cohaesione et mixtione pendente, procreari.

Quae vero hujus viri sententiae, non esse tetanum inflammatorium, objici possint, hic repetere nolo, quoniam, quidquid systematis nervosi inflammationem probare potest, partim jam supra commemoratum est, partim infra demum accuratius exponi poterit.

Willis, Hoffmann, Frank⁷⁾, O' Beirne⁸⁾,

5) L. c. p. 206.

6) Handbuch der speciellen Therapie, Bd. IV. im Auszuge. Art. tetanus.

7) Baumann dissert. inaug. de tetano. p. 54.

8) Salzburger medic. Zeitung. Jahrgang 1823. Nr. 51.

Beck ^o), aliique accipiunt, vitium primarium tetani semper in medulla spinali positum, hanc propriam morbi sedem esse.

Argumento iis sunt morbosa symptomata in partibus, quae nervos suos maxime e medulla spinali et gangliorum systemate accipiunt, primarium medullae spinalis vitium, saepe morbi causis et cadaveribus sectis demonstratum, et denique, quod nobiliores cerebri functiones non turbatae esse solent.

Alii objiciunt, musculos etiam, quorum nervi non e medulla spinali, sed e cerebro exorientantur, corripi spasio tonico, idque magnopere repugnare sententiae illi, quam nobiliores cerebri functiones non turbatae probare videantur. Evidem neque illud repugnare, neque hoc probare sententiam illam crediderim; nam quod musculi corripiuntur, qui nervos e cerebro accipiunt, hoc, quamvis primarii vitii sedes non sit in cerebro, ex universalis systematis nervosi consensu deduci poterit; quod vero ad cerebri functiones non turbatas attinet, minime oportere mihi videtur, nobiliores cerebri functiones semper eodem modo, quo nervos muscularum motum efficientes, qui ex illo orientantur, esse affectas, nam quo tandem modo, si ita res

^o) L. c. p. 279. §. 3.

esset, Fothergillii dolor faciei sine mentis turbationibus, furor sine faciei muscularum spasmis cogitari posset?

Porro non modo nobiliores functiones, sed sensus etiam, visum, auditum, olfactum, gustum, plerumque non turbatos videmus, etsi nervi motui inservientes vehementissime simul correpti sint, quod trismus, bulbus immobilis, linguae spasmus cet. probant.

Mihi quidem satis certum videtur, in medulla spinali, quae magis vitae animalis functionibus praesit, morbi sedem esse, atque inde irritationem abnormen cum omnibus nervis ex illa orientibus, quin etiam per consensum cum cerebri nervis communicari.

Hanc irritationem rursus jam idiopathice, ut laesa medulla spinali, jam per consensum, cerebro irritato, ut capitis vulneribus, nervis magnis periphericis e. g. nonnullis extremitatum nervis laesis, provocari posse arbitror.

Cur vero in medulla spinali morbi nostri sedes sit, non magis vel non minus explicari poterit, quam cur alii morbi in certis quibusdam organis reperiuntur.

Jam remotores morbi causae perlustrandae sunt, quae, ut omnium ceterorum morborum, in praedisponentes et occasioales distribui possunt.

A. Causae praedisponentes.

Quoad corporis constitutionem secundum medicorum praeclarorum observationes *) imprimis homines plethorici, energici tetano corripiuntur; porro saepius homines in media vitae aetate versantes, frequentius viri, quam feminae, saepissime infantes paucis diebus post partum, secundum cl. Beck *) imprimis infantes succi pleni, fortiter nutriti.

Hae causae praedisponentes imprimis tetano inflammatorio favere videntur, nervosus contra saepius in hominibus debilibus, sensibilibus, hystericis, hypochondricis, epilepticis occurtere videtur.

B. Causae occasionales.

Hae aut universales sunt, aut locales. Ad

*) Beck Heidelberger Klinische Annalen. Art. tetanus p. 280.

Boyer's Abh. chirurg. Krankheiten aus d. Franz. von Textor. Bd. I. p. 249.

Haase Handbuch der speciellen Therapie. Th. II. p. 41. Chelius Hdbuch. d. Chirurgie. Th. I. Abthl. I. §. 317. Walther Abhandl. aus d. Gebiete der pract. Medicin. p. 222.

Bilguer pract. Anweis. für Wundärzte. 1 Thl. Berl. 1783. Hic reperit in exercitu Borussico belli initio, cum nutrimenta bona, immo optima adessent, tetanum saepius, quam postea, cum alimenta deficerent, quare plethoram his spasmis favere arbitratur.

10) L. c.

illas priores imprimis referri debent: Refrigerium, quare tetanus saepe observatur in terris tropicis, ubi ingens diei calor succos ad peripheriam vertit, et tum frigidis noctibus transpiratio supprimitur et succi ad organa centralia pelluntur ¹¹); quare saepissime in Hispania, Antillis ¹²), Aegypto ¹³) cet; porro normalia vel anomalia, sed jam assueta sanguinis profluvia, vel catharrheumata, vel exanthemata suppressa; res noxiae, ut venena, spirituosa, vermes, cruditates, bilis corrupta, in viis primis; animi perturbationes, ut terror, ira cet.

Ad locales pertinent, et frequentissimae tertihi causae sunt, contusiones vel laesiones partium systematis nervosi aut organorum multis nervis instructorum, ut medullae spinalis, cerebri, intestinorum, extremitatum, imprimis articulorum, ubi nervis ex parte disruptis, contusis, inflammatis, constrictis, e loco demotis per instrumentum laedens, vel partibus vicinis vulneratis, inflammatis, constrictis per infastum artis auxilium (arteriarum subligatione cum nervis, nervis ex parte dissectis cet.) secundum omnium experientiam tetanus adducitur.

11) Fournier Dict. des sciences med. Art. tetanus p. 12.

12) Ibidem.

13) Larrey's med. Denkwürdigkeiten aus seinen Feldzügen aus d. Franz. übersezt. Leipzig, 1813. p. 73.

Harum causarum igitur remotiorum, modo commemoratarum, aut una, aut plures simul tetanum provocant, dum nonnullae earum ad nervorum actionem augendam eo, quod nervosi systematis vitam irritatione inflammatoria aut inflammatione ipsa augent, conferre, aliae vero actiones abnormes in mixtione et cohaesione positas procreare videntur. Quam sententiam veram esse, fortasse tantummodo statu systematici nervosi partium pathologico accurate explorato probare poterimus. Frequentiores cadaverum sectiones, eaeque majore diligentia, quam hucusque fieri solebat, institutae, fortasse saepius, quam putas, inflamatum partium illarum statum ostendent, dum chemia analytica, magis magisque exculta, in aliis casibus abnormes mixtiones, saltem cohaesioneis vitia demonstrari poterunt.

Sectio tertia.

Tetani cura.

Sicut ad recentiora tempora usque tetani causa proxima, quae a nobis percipi potest, non explicabatur, huic morbo etiam methodo rationali eo usque mederi non poterant. Experientia tamen remedia innotuerunt, quorum effectu diverso, immo interdum contrario tetanus sa-

nabatur, atque simul diversa ejus indoles aperte demonstrabatur.

Jam remedia experientia maxime probata breviter enumerare conabor.

Diaphoretica jam ab Hippocrate ¹⁴⁾ adhibita sunt, et postea plerumque fausto eventu ab Aretaeo, Caelio Aurelianu ¹⁵⁾, Hochstaetter ¹⁶⁾, Fournier ¹⁷⁾, Boyer ¹⁸⁾, Francois d'Auxerre ¹⁹⁾, Morgagni ²⁰⁾ tamen haec remedia rejicit.

Diuretica ab Hippocrate ²¹⁾ ²²⁾ ²³⁾ adhibita sunt, postea a Diocle apud Caelium Aurelianum ²⁴⁾ laudata.

Purgantia quoque jam ab Hippocrate ²⁵⁾ commendata; ad tetanum praecavendum a Trnka de Krzowitz ²⁶⁾, D'Ambon, Farr, Hazon, Macaulay ²⁷⁾ cum utilitate adhibita sunt.

14) De victu acutor. LV.

15) Trnka de Krzowitz Comment. de tet. p. 301.

16) Obsérv. medic. dec. V. Cas. 5. pag. 595. 599.

17) Dict. des sciences med. l. c.

18) Abhandl. über chirurg. Krankheiten. p. 257.

19) Dict. des sciences med. l. c.

20) Epist. anat. med. N. X.

21) Coact. text. 362.

22) Epid. lib. III. p. 1066.

23) Ibid. p. 1070.

24) Acut. passion. lib. I.

25) De morbis. lib. III. 13.

26) Comment. de tetano. P. II. lib. I. cap. II.

27) Ibid.

Emetica imprimis laudantur a Caelio Aureliano, Timaeo, Macaulay, Schmucker, sed a Trnka de Krzowitz vituperantur.

Oleosa Valisner ²⁸⁾ et Carter ²⁹⁾ magnis dosibus interne adhibenda censet.

Nervina. Vinum jam Hippocrates ³⁰⁾ laudavit, recentiore tempore Rush et Hillary in America. Castoreum adhibuerunt prospero eventu Aretaeus ³¹⁾, Prosper Alpinus, Hollerius Duretus ³²⁾, Marcellus, Benedictus et Schulze. Moschus experientia cl. Zanetti ³³⁾, Morgenstern ³⁴⁾, Ackermann, Farr, Huck, Chlephan ³⁵⁾ et novissimo tempore Fournier ³⁶⁾, imprimis in personis plethoricas, multo sanguinis antea vena secta misso, probatur. Arnicae flores et radicem praecipue Collin ³⁷⁾ commendat, eorumque vires utiles d' Auxerre, Boyer et

Fournier probant. Oleum animale Dippel, a cl. Vogt et multis aliis commendatur ³⁸⁾). Haase ³⁹⁾ camphoram magnis dosibus praebendam laudat, item Larrey ³⁹⁾). Marcellus ⁴⁰⁾ laudat phosphorum; idem remedium Boenecken ⁴¹⁾.

Alcalia imprimis Stuetz ⁴²⁾ commendat, praecipue alcali vegetabile carbonicum et causticum. Idem remedium François et Fournier ⁴³⁾ quoque fausto eventu usurparunt, Boyer ⁴⁴⁾ semper infausto.

Mercurialia a multis medicis Francogallicis et intus et extrinsecus prospero effectu adhibita sunt ⁴⁵⁾). Plenk ⁴⁶⁾, Valérius ⁴⁷⁾, Auenbrugger ⁴⁸⁾, Walther ⁴⁹⁾, maxime illa laudant,

²⁸⁾ De Haen rat. med. P. IX. Dissert. de tet. cap. IV.

²⁹⁾ Arzneik. Abb. von dem Collegium der Aerzte in London. Bd. II. n. 4. p. 29.

³⁰⁾ De ratio. vict. in morb. acut.

³¹⁾ De signis et caus. acut. et diut. morbor. Oxoniae. 1723. cap. VI. pag. 109.

³²⁾ De Haen rat. med. l. c.

³³⁾ Nov. act. nat. curios. Tom. V. Observ. 40.

³⁴⁾ Ibid.

³⁵⁾ Trnka Comment. l. c.

³⁶⁾ Dict. des sciences med. l. c.

³⁷⁾ Observ. circa morb. acut. et chron. P. III. cap. I.

³⁸⁾ Handbuch der chron. Krankh. Thl. II. p. 48.

³⁹⁾ L. c.

⁴⁰⁾ Vide Forest, J. c. Schol. ad Observ. 113.

⁴¹⁾ Fränkische Sammlung. Bd. 6. Stk. 31. Art. 3. p. 21.

⁴²⁾ Schriften physiolog. u. med. Inhalts, Bd. I. Stuttgart, 1805.

⁴³⁾ Dict. des sciences med. l. c.

⁴⁴⁾ Abhandl. über chirurg. Krankh. Bd. I. p. 270.

⁴⁵⁾ Journal de Med. Tom. 45 sur la traitement du tétanus.

⁴⁶⁾ Aphor. de cog. et cur. morb. chir. Pharm. p. 14.

⁴⁷⁾ Dissert. de cinabaris effectu. §. 7.

⁴⁸⁾ Trnka comment. l. c.

⁴⁹⁾ Abhandl. aus dem Gebiete der praktischen Medicin. l. c.

alii vero, ut Larrey ⁵⁰), Emmery, Guther repudiant.

Narcotica jam ab Hippocrate ⁵¹) usurpata sunt, et postea remedia maxime efficacia in tetano fuerunt. Hippocrates laudat hyoscyamum, Aretaeus oleum crocinum, Cardamus elect. Mithrid. ⁵²), Bontius ⁵³) extr. croci, E. Gardiner et O'Beirne ⁵⁴) commandant herbam Nicotianam, Earle et Macgrigor ⁵⁵) ejus usum dissuadent. Acidum hydrocyanicum a multis laudatum est, et nuper a Dr. Strahsen ⁵⁶) eventu faustissimo et intus et in clysteriis adhibitum. Cooper commendat belladonnam et strychninum; Fournier, Magendie cicutam, aconitum, hyoscyamum ⁵⁷).

Optimum vero e narcoticis opium, in magnis dosibus usurpatum, est. Sylvester ⁵⁸) primus ejus efficacitatem docuit. Huic postea ad-

50) L. c.

51) De Haen rat. med. Dissert. de tet. cap. IV.

52) Ibid.

53) De meth. med., qua in Indiis orient. uti oportet, lib. II. Cap. de Spasmo.

54) Salzburger med. Zeitung. Jahrgang 1823. Nr. 51.

55) Dissert. inaug. de tet. auctore Baumann. p. 50.

56) In der Denkschrift der Gesellschaft pract. Aerzte in Riga zum 25jährigen Jubiläum der Universität Dorpat. Observ. I.

57) Baumann l. c.

58) Trnka Comment. P. I. lib. I. cap. IX.

sentiebantur Whytt, Chalmer, Clephan ⁵⁹), A. Gloster ⁶⁰), Farr ⁶¹), Richter ⁶²), Haase ⁶³), Chelius ⁶⁴): Fournier opium rejicit ⁶⁵).

Ad usum internum laudatum est etiam a Sarrasin ⁶⁶) acidum nitricum in magnis dosibus, a Bisset ⁶⁷) et Rush ⁶⁸) cort. Peruv., jam pridem a medicis Americanis ad hibitus.

Remedia externa imprimis haec commendantur: Balnea calida aut cum additamentis, aut sine, praecipue addito alcali veget. Hillary ⁶⁹) tantum eorum usum dissuadet.

Balnea frigida, quibus jam Hippocrates ⁷⁰) usus est, postea experientia cl. Avicennae ⁷¹), Valesci de Taranta ⁷²), Sennert ⁷³), et recentiore

59) Ibid.

60) Med. Comment. v. einer Gesellsch. Aerzte in Edinburgh. Th. I. St. I. Absch. I. Nr. 9.

61) Med. Bemerk. und Untersuch. einer Gesellsch. Aerzte in London. Bd. 4. Nr. 7. p. 76.

62) Handbuch d. speciellen Therapie. Bd. III. p. 393.

63) Handbuch d. chron. Krankh. Th. II. p. 48.

64) Handbuch der Chirurgie. Th. I. Abthl. I. p. 218.

65) Dict. des sciences med. l. c.

66) Ibid.

67) Trnka Comment. l. c.

68) Dissert. inaug. de tet. auctore Baumann. p. 54.

69) Ibid.

70) Aphor. Sect. V. Nr. 21. de morb. lib. III, XIV.

71) De Haen rat. med. l. c.

72) De morb. cerebri. lib. I. cap. 21.

73) Op. lib. I. pars 2. cap. 28.

tempore Cochram, Wright, Currie⁷⁴⁾ probata sunt. Sed multi chirurgi Anglici balnea frigida in tetano in Hispania non solum non prodesse, sed nocere etiam invenerunt⁷⁵⁾. Lavationes cum oleo tepido praecipue Celsius⁷⁶⁾ et Valisner⁷⁷⁾ suadent, iisque Hippocrates⁷⁸⁾ quoque usus est.

Ambrosius Paraeus⁷⁹⁾ tetanum eo curavit, quod aegrotum stercore equino obtegebatur.

Clysmata e fluidis mucilaginois, oleosis parata, additis narcoticis vel aliis remediis, semper plurimum efficiebant, praesertim cum propter trismum saepe nulla remedia per os applicari possint.

Sternutamenta ab Hippocrate⁸⁰⁾ commendantur, sed jam ab Aureliano⁸¹⁾, de Haen⁸²⁾ et ab omnibus medicis recentioribus repudiantur.

E Spry⁸³⁾ nonnullos, qui ex tetano lababant, electricitate sanavit.

74) Dissert. inaug. de tetano auctore Baumann. l. c.

75) Ibid.

76) De medicina, lib. IV. cap. III.

77) Trnka Comment. de tetano l. c.

78) De morbis lib. III. XIII,

79) Op. lib. XI. cap. 25.

80) De morb. lib. III, XIII.

81) Acut. Passio. l. c.

82) Rat. medendi. P. VI. cap. 4. §. 9.

83) Dissert. inaug. de tet. auctore Baumann. l. c.

Sylvester⁸⁴⁾, Mohro⁸⁵⁾, Harrison⁸⁶⁾, Larrey⁸⁷⁾ in tetano traumatico suadent, ut membrum vulneratum amputetur. Hic posterior putat semper hanc operationem remediis aliis plerumque irritis esse praferendam.

In tetano traumatico, si vulnus lividum fiat, suppurationem desinat, remedia irritantia suppurationem restituentia commendantur. Hoc consilio adhibentur cauteria, inflictiones olei terebinthinae⁸⁸⁾ vel unguenti Neapolitani⁸⁹⁾, unguentum cantharidum, in vulnus, vel prope ad id applicatum⁹⁰⁾. Alii suadent tractationem lenientem, emollientem, cataplasmatibus fomentationibusque adhibitis⁹¹⁾.

Stimuli ad cervicem et columnam vertebralem applicandi, ut cauteria, moxa, sinapismi, vesicatoria, inflictiones unguenti Neapolitani, a multis medicis laudantur, sed Larrey⁹²⁾, alia horum remediiorum tetani decursum prorsus non

84) Med. Bemerk. u. Untersuch. einer Gesellschaft v. Aerzten in London. l. c.

85) Trnka Comment.

86) Med. Bemerk. u. Untersuch. einer Gesellschaft v. Aerzten in London.

87) l. c. pag. 89.

88) Rush in diss. inaug. de tet. auct. Baumann.

89) Fournier Dict. des sciences med. l. c.

90) Larrey, c. l.

91) Dissert inaug. de tetano. auct. Baumann.

92) l. c.

mutare, alia, ut inflictiones unguenti Neapolitani, vitium etiam augere, observavit.

Denique dicendum est de sanguinis missiōnibus, quarum efficacitas diu cognita, sed postea maxime in dubium vocata est, quod remedium solum efficax esse alii, alii semper nocere arbitrantur.

Quatenus in universum in hoc morbo indi- centur, vel ex inflammatoria tetani indole, supra explicata, apparet. Antequam tetani sanguinis missionibus feliciter sanati casum, a me Parisiis observatum, quo magnus earum usus in morbo nostro optime demonstratur, narro, non nullorum medicorum clarissimorum, hoc remedium prabantur, sententias observationesque afferam.

Hippocrates ⁹³⁾ „tetanus, lumborum, in- quirit, in anteriorem et posteriorem partem di- stentio: et in atrabilariis, ubi spirituum per ve- nas interceptiones fuerint, venaesectione sol- vuntur.“

Aurelianus ⁹⁴⁾ „si vehementes,“ inquit, „fuerint dolores, erit adhibenda phlebotomia, dimissionis tempore atque ante tertiam diem, si passio coegerit: si minus, in ipsa diatrito, aut post ipsam, viribus permittentibus.“

93) De victu acutorum LV.

94) De caus. et sign. acut. morb. ad Amman, Amstelod. lib. IV, pag. 210.

Aretaeus ⁹⁵⁾ dixit: „Quapropter sive ob re- frigerationem absque manifesta causa rigor in- vaserit, sive ex vulnere, sive ex abortu mulieri accesserit venam in cubito aperito.“

De Haen ⁹⁶⁾ ab ipso Hippocrate,“ inquit, „in nostra usque tempora fere omnes venam se- cant, idque iteratō, quoties cum vis morbi id peteret, tum vitae concederent vires.“

J. P. Franck ⁹⁷⁾ „in tetano,“ inquit, „ex universi systematis hypersthenia oriundo me- thodus debilitans adhibenda.“

Trnka de Krzowitz ⁹⁸⁾ dixit: „Sanguinis missio in tetano saepenumero perquam est ne- cessaria.“

Fournier ⁹⁹⁾ dixit: „Les saignées abondan- tes doivent préluder au traitement, toutes les fois que le pouls est plein, dur, accéléré; lors- que enfin il indique un état plethorique, une irritation profonde. Si l'abdomen tout entier, ou quelques uns de ses organes sont irrités, les saignées capillaires aux endroits souffrants doi- vent se combiner avec celles du bras.“

Walther ¹⁰⁰⁾ dixit: „Die Aderlässe sind

95) De morbis acut. lib. I. cap. 6.

96) Diss. de tetano. § VI. pag. 147.

97) Epit. lib. VII. pag. 18. ord. II.

98) Comment. de tet. lib. II. cap. I, § 129.

99) Dict. des sciences med. Art. tet. pag. 26.

100) Abhandl. aus dem Gebiete der pract. Medicin. Art. tetanus. pag. 258.

beim tetano vorzunehmen bei jugendlichen, gut constituirten, irritablen, sanguinischen Menschen, vorzüglich männlichen Geschlechts, bei frischen Kräften, heftiger Anspannung der Muskeln etc."

Beck¹⁰¹⁾ dixit: „Der entzündliche tetanus erfordert Blutentziehungen, Verminderung des dem krankhaften Bildungsleben dienenden Materials.“

Chelius¹⁰²⁾ dixit: „Am meisten spricht die Erfahrung im tetano für Blutentziehungen und den innern Gebrauch des Quecksilbers mit Opium.“

Richter¹⁰³⁾ contra: „Wollte man sich durch die Annahme eines entzündlichen Zustandes beim Starrkrampf zu einem dreisten antiphlogistischen Verfahren verleiten lassen, dann würde man nur schaden. In ihm ist nämlich nach den entschiedensten und mannigfältigsten Erfahrungen nie etwas von Blutentziehungen, die selbst wohl in der Regel schädlich werden möchten, nur von flüchtigen Reizmitteln, namentlich dem Opio in grossen Gaben Heilung zu hoffen.“

101) Heidelberger klinische Annalen. I. c. § 8.

102) Hdbuch der Chirurgie. Bd. I. Abthlg. I. § 320.

103) Hdbuch der speciellen Therapie im Auszuge. Bd. IV.

Art. *tetanus*. pag. 393.

Non repetiturus, quae jam supra ad probandam sententiam, esse inflammatorium tetanum, allata sunt, sed secundum Richter parum probant, jam aliteram casus milii notos, in quibus tetanus sanguinis missionibus feliciter sanatus est.

Obs. I. Puiol¹⁰⁴⁾ narrat puellam sedecim annorum, antea semper bona valetudine usam, sed nondum menstruatam, initio mensis Aprilis tetano universalis esse correptam. Vena bis secta et diaphoreticis nervinisque adhibitis morbus deminueretur. Postridie denuo ingravescebat, sed vena secta ceterisque remediis continuatis, iterum remittebat. Cl. Puiol duos dies absente remedia illa non porrigebantur, quare tetanus nunc vehementior, quam antea, apparebat. Medicus in auxilium vocatus statim venam secuit, quo facto symptomata magnopere minuerbantur, postea quotidie venam secabat, praescribebatque fomentationes, infractiones olei chamomillae et diaphoretica in potu, quibus remediis aegrota sub linem illius mensis omnino sanata erat.

Obs. II. Forest¹⁰⁵⁾ puellam duodeviginti annorum, propter refrigerium et vitio-

104) Trnka Comment. § 430.

105) ibid. pag. 381.

sam diaetam tetano correptam, frustra nervinis atque antihystericis extrinsecus et intus adhibitis sanare studuit, quod, vena pedis secta, ex voto ipsi cessit, nam, ut ipse ait, „miraculi instar omnia dicta symptomata statim post sanguinis missionem cessarunt.“

Obs. III. Trnka de Krzowitz ¹⁰⁶⁾ hominem ebriosum, quia, maximo gelu antegresso, magno calore afficeretur, tetano esse corruptum narrat. Triginta $\frac{3}{4}$ sanguinis vena secta missis „en!“ auctor inquit, „sub ipso fluxu homo sui compos fieri, loqui, incedere, quidve secum actum foret, percontari coepit, continuoque convaluit.“

Obs. IV. Bierling ¹⁰⁷⁾ militi ex tetano laboranti sola venae sectione sanitatem restituit.

Obs. V. Bisset ¹⁰⁸⁾, quoniam dolorem, qui in tetano interdum in regione epigastrica sentitur, gastritidem habuit, in juvenis tetano affecti cura venam secabat, illumque, quinquaginta $\frac{3}{4}$ sanguinis missis, prorsus sanavit.

Obs. VI. Connell ¹⁰⁹⁾ virum viginti sep-

tem annorum tetano correptum, omnibus nervinis, quae ad hunc morbum curandum commendantur, frustra adhibitis, tandem viginti septem diebus, hirudinibus saepius applicatis, sanavit.

Obs. VII. Fournier ¹¹⁰⁾ ad mulierem in auxilium vocatus est, in qua tetanus suppressis lochiis erat procreatus. Multo sanguinis vena secta misso, hirudinibusque ad genitalia applicatis, lochia fluere cooperant, et aegrota sanitatem omnino recuperavit.

His paucis exemplis et morbi historia, quam infra cum lectoribus communicabo, illam cl. Richter sententiam de sanguine non mittendo in tetano satis refelli arbitror. Sed Richter ipse quoque huic sententiae contradicit, nam in tractatu ejus de hydrophobia p. 343 ¹¹¹⁾ legimus: „Nur ungeheuer stark und bis zur Ohnmacht angestellt hatten die Blutentziehungen einen ausgezeichneten Erfolg“; et paulo post p. 344: „Zuweilen erfolgt die Heilung nach dem Aderlassen außerordentlich rasch, selbst wohl augenblicklich nach der Ohnmacht.“ Quae hic de hydrophobia dicta sunt, secundum Richter ipsum etiam de tetano valent.

¹⁰⁶⁾ Obs. clin. ad duct. Med. in Nosocom. Varsov. fascie I. pag. 34.

¹⁰⁷⁾ Trnka Comment. §. 130. pag. 382.

¹⁰⁸⁾ ibid.

¹⁰⁹⁾ ibid.

¹¹⁰⁾ Dict. des sciences med. pag. 15.

¹¹¹⁾ Hdbuch d. speciell. Therapie im Auszuge. Bd. VII.

Porro hoc felici sanguinis missi effectu inflammatoriam morbi indolem probari negat, quoniam deliquium animi nervorumque sistema eo hebetatum plus conferat ad vitium tollendum, quam sanguinis jactura ipsa.

Concedit ille ergo, deliquium animi et nervorum sistema eo hebetatum in tetano curando saepe profuisse. Cur igitur non studeamus nervorum sistema sanguine, humore maxime alente, corpori detrahendo hebetare, cum, dummodo satis sanguinis mittatur, abnormes vitae actiones eo necessario diminuantur, quin prorsus desinant. Quid est, quod in tetano sanguinem mitti vetet, cum hic saepissime morbum illum sustineat atque alat?

Nervorum sistema ratione organismo minus nocente quoque hebetari posse, minime negabo. Id tantum jure contendere mihi video, hoc in tetano sanguine mittendo propter trismum, dolores cet. ratione commodissima fieri; huc accedit, quod sanguinis missiones certissimi effectus sunt, et quod, cum morbus noster saepe lethalis sit, remedia fortissima, quin interdum periculosiora adhibeamus oportet.

Richter¹¹²⁾ miratur, quod „jene Entzündungstheoretiker nach den enormen Blutauslee-

¹¹²⁾ Ibid.

rungen sogleich starke Gaben Opium geben, welches sich nicht mit der Idee eines wahrhaft entzündlichen, eine so ausserordentliche Herabstimmung der Irritabilität erfordernden Zustandes verträgt.“

In animo mihi non est hoc loco, quid et quomodo opium agat, accurate exponere, hoc tamen constare mihi videtur, opium magnis dosibus adhibitum irritabilitatem non augere, sed nimia irritatione debilitare, ergo in tetano curando cum sanguinis missionibus jure conjungi posse. Attamen ad utilitatem sanguinis missionum probandam redeo, et infra, quatenus potero, indicabo, ubi sanguis mittendus, ubi opium usurpandum, ubi denique cetera remedia, in tetano curando laudata, adhibenda sint.

Casus denique a Dr. Lisfranc, directore nososomii Parisiensis, quod la Pieté appellatur, curatus, a me observatus, quem nunc descripturus sum, saepe multum sanguinis mittendum et simul magnas opii doses praebendas esse optime demonstrabit. Quod in morbi historia imprimis curam describo, nemo mirabitur, cum symptomatologia et aetiologia nihil novi a que insoliti praeberet, et praeterea mihi, sicut omnibus medicis, qui modo observandi causa aderant, non esset permisum, ut hac ratione accuratius investigarem. —

Morbi historia, quae jam sequitur, a me conscripta, a medico inferiore, Saitier, perlustrata atque ab ipso Lisfranc probata est, et ab eodem in concilio societatis medicorum, quae Academie de Medicine vocatur, recitata.

Peter Hanus, Germanus, viginti tres annos natus, robusta corporis constitutione, tetano laborans die sexto mensis Martii a. 1829 in nosocomium, la Pieté, in conclave, quod St. Louis nominatur, Nr. 36 est receptus.

Quia operarius erat in vasorum stanneorum fabrica, saepe gravia onera portare debuit, rotamque magnam movere, quo interdum fatigabatur.

Cum die III mensis Martii a. dicti magnam illam rotam portaret, dolorem vehementem in columna vertebrali percepit et vespertino ejusdem diei tempore os aperire nequivit. Die sequente accedunt ad trismum vehementes dolores in columna vertebrali, inguinibus et anteriore abdominis pariete, cervicis musculi fortiter contracti capit is motum in partes anteriores prohibent. Die V ejusdem mensis ad symptomata commemorata rigor truncī atque extremitatum inferiorum accessit, ita ut ire non posset.

Tertio igitur die post trismum exortum aegrotus in nosocomium adductus est.

Die VII mane aegrotus hoc modo se habuit:

Maxilla inferior trismo ita ad superiorem attracta erat, ut vi adhibita tantummodo duabus vel tribus lineis altera ab altera amoveri posset; caput retro ductum erat (opisthotonus), truncus modice in eandem partem inclinatus; musculi abdominales duri ac tensi, extremitates inferiores violenter extensae, superiores spasmis fere liberae, subinde truncī extremitatumque inferiorum concussions saltusque tetanici observabantur, transpiratio largior, quam assolet, respiratio difficilis, pulsus durus, plenus, frequens.

Applicatae sunt octoginta hirudines ad columnam vertebralem, vesperi e vena secta XII ʒ sanguinis missae, mane et vesperi clysmā, XXV guttis laud. liq. additis, adhibitum; emulsio frigerans per canaliculam loco, ubi dens deerat, subinde in os immovebatur.

Die VIII. Symptomata vi aucta sunt.

Appositae sunt quinquaginta hirudines ad columnam vertebralem et vesperi viginti ad regionem epigastricam, ut tolleretur dolor vehemens, in hac regione perceptus; mane et vesperi clysmā XXX guttis laud. liquid. additis applicatum.

Die IX, X et XI. Symptomata in dies graviora fiunt. Quovis die appositae sunt quadraginta hirudines ad columnam vertebralem, quovis vesperi e vena secta XII ʒ sanguinis missae,

mane et vesperi cujusvis diei clysmata, XL guttis laud. liq. additis, adhibitum.

Die XII. Aegroti status hic est: Trismus vehementissimus est, saliva superflua per dentium intervalla profluit; truncus et extremitates, tam inferiores, quam nunc etiam superiores tam rigidae sunt, ut nullos adesse artus credideris; totum corpus arcum format, cuius posterior pars concava est; sudor largissimus, tepidus, viscidus totum corpus obducit; concussionibus tetanicis vehementibus aegrotus ad edendum clamorem acrem cogitur, respiratio maxime laboriosa est, pulsus frequens, plenus, durus, animi functiones non turbatae.

Applicatae sunt ad columnam vertebralem quadraginta hirudines, mane et vesperi clysmata, XL guttis laud. additis, vesperi e vena secta IX $\frac{3}{4}$ sanguinis missae.

Die XIII, XIV et XV. Symptomata, quae interdiu leniora videntur, sub vesperam ingravescunt.

Quovis die applicatae sunt ad columnam vertebralem triginta hirudines, duo clysmata XLV guttis laud. additis. Die XIII et XIV, vesperi vena secta VI $\frac{3}{4}$ sanguinis missae.

Hic status usque ad diem XVIII perdurat, neque tamen sub vesperam symptomata ita augmentur, ut diebus antecedentibus.

Quovis die usque ad diem XIX applicantur triginta hirudines ad columnam vertebralem, duo clysmata LXXX guttis laud. additis.

Die XIX. Morbus admodum minutus est; altera maxilla ab altera quatuor vel quinque lineis amoveri potest, concussions tetanicae in inferioribus tantum extremitatibus observantur; cervicis et tergi musculi minus contracti sunt, situmque rectum harum partium admittunt.

Applicatae sunt triginta hirudines ad columnam vertebralem, duo clysmata, CV guttis laud. additis.

Ex hoc inde die usque ad ultimum ejusdem mensis muscularum mobilitas paulatim restituta est, et quidem ita, ut quas partes rigor tetanicus primo occupasset, eas postremo relinquat. Pulsus semper aequa frequens et fortis erat.

His diebus in universum applicatae sunt centum et viginti hirudines diverso tempore; quotidie duo clysmata, CV guttis laud. additis.

Die I mensis Aprilis. Aegrotus sine difficultate in conclavi suo ambulat.

Clysmata jam non sunt applicata, atque aegroti paulatim alimenta nutrientia praebita.

Die XIV Aprilis aegrotus omnino sanatus e nosocomio abiit. —

Epicrisis. Erat in hoc casu descripto tensus omnino exultus, cuius symptomata tamen,

ut jam supra dixi, nihil novi atque insoliti ostendebant. Tardus ejus decursus nos docet tenuum illum quoque ad eos pertinuisse, qui secundum omnium experientiam saepius sanentur.

Ex aetiologya satis manifesto appetet, medullam spinalem, fortasse etiam nervos ex illa oriundos rota magni ponderis portata esse laesos. Hanc laesionem medulla spinali ejusque nervis inflammatorie irritatisse ostendisse, aper-te probant dolores locales, pulsus plenus, durus, frequens, et quidquid praeterea in universum extare inflammatorium tetanum demonstrat, imprimis vero effectus methodi medendi fortiter antiphlogisticae felicissimus. —

Num vero haec irritatio inflammatoria commotionibus medullae spinalis ejusque nervorum, aut extravasato inter medullam spinalem ejusque membranas procreata sit, necne, vix a priori demonstrari poterit. Si hoc modo creata sit, hic casus tetanum inflammatorium commotionibus aut extravasato gigni posse optime doceat, quamquam Beck¹¹³⁾ medulla spinali hoc modo affecta semper tetanum atonicum exsistere arbitratur. Evidem facile crediderim non ita vehementibus medullae spinalis commotionibus, extravasato cet. ejus totius-

que nervorum systematis actionem augeri, quamvis illis rebus nocivis, si majorem vim exercant, semper medulla spinalis atque organa, quae nervos suos inde accipient, paralysi afficiantur, ut experientia docet.

Memoratu dignissima in hac morbi historia certo tetani cura est, cuius eventus faustissimus in tetano curando methodum medendi antiphlogisticam adhibendam, praesertim sanguinem mittendum esse certissime nobis ostendit. Evidem saltem haud facile casum novi, ubi in systematis nervosi morbo, spasmis apparente, tanta sanguinis copia missa sit, nam tempore vi-ginti quinque dierum DCXL hirudines applicatae sunt, et praeterea venis sectis LXIX $\frac{3}{4}$ sanguinis corpori detractae. — Sundelin¹¹⁴⁾ docet quamque hirudinem fere II vel III $\frac{3}{4}$ sanguinis corpori adimere. Quodsi II tantum $\frac{3}{4}$ accipimus, XIII librae IV $\frac{3}{4}$ sanguinis per hirudines e corpore emotae sunt, praeterea V librae et IX $\frac{3}{4}$ venae-sectione, ergo in universum XIX librae I $\frac{3}{4}$. — Commemorandum tamen est, hirudines non singulas, sed semper omnes simul, quae apponendae essent, in linteo marginibus convoluto collatas, ad locum affectum applicatas esse, quod Parisiis semper fit. Fortasse igitur semper non-

¹¹³⁾ Heidelberger klinische Annalen, § 5. pag. 283.

¹¹⁴⁾ Arzneimittellehre pag. 36.

nullae non suixerunt, neque tamen certa earum ratio proponi poterit.

Num hirudines aptius adhibitae sint, quam universales venaesectiones, pro certo dicere non audeo; attamen hirudines praeferrendas fuisse crediderim, quoniam ad locum affectum, medullam spinalem, proxime applicari possent, ubi, praeterquam, quod corpori sanguinem detraherent, imprimis etiam cutem antagonistice stimulantes agerent.

Opii doses satis magnae erant, et prout minus sanguinis mittebatur, augebantur, immo postremo solae adhibebantur, ut, ni fallor, simul cum morbo etiam omnis dispositio ad actiones ejusmodi modum excedentes systematis nervosi et dynamice et materialiter deleretur, nam, si ad hoc consilium exequendum diutius sanguis missus esset, corpus omni materia ad recuperandas vires amissas et sanitatem privatum esset.

Discrimen duorum remediorum, in hoc casu idem efficientium, eo mihi constitui videtur, quod sanguinis missiones corpori ipsam materiam formantem, vitalitatem alentem et restituentem, adimunt, ergo illud materialiter et dynamice hebetant, opium vero, in magnis dosibus adhibitum, primo vitalitatem incitat, deinde eam nimia irritatione exhaustit, ergo materiam

etiam ita mutat, ut haud facile vitalitas modo depressa ex ipsa ad novas actiones abnormi modo auctas accrescere possit.

Opii doses in casu nostro, quamquam satis magnae, non tamen insolitae erant, cum inter quatuor hebdomades, quas tetanus perduraret, tantum VI $\frac{2}{3}$ XXXI grana opii in clysmatibus adhiberentur, si nimirum secundum Sundelin (Hdbuch der speciellen Arzneimittellehre B. 2. pag. 113.) in X guttis laud. unum granum opii meri inesse statuamus. Si porro Hufeland ¹¹⁵⁾ jure contendit, remedium simplex per os sumatum idem efficere, quod quintuplo majus in clysmatibus adhibitum, circiter $1\frac{1}{2}\frac{2}{3}$ opii usurpabantur ad morbum suppressendum, in quo curando P. Frank ¹¹⁶⁾ et alii quotidie XX grana per os sumenda censerent. Opii doses etiam minores apparent, si in memoriam revocamus, cl. Tymons ¹¹⁷⁾ in hydrophobia, multo sanguinis venae sectione misso, centum guttas laud. intus, et quavis tertia hora clyisma trecentis guttis laud. additis adhibuisse, quo acgrotus, quamvis hydrophobia jam exulta, sanaretur.

¹¹⁵⁾ Hdbuch der allgemeinen Therapie.

¹¹⁶⁾ Epit. Tom. VII. ord. II. pag. 19.

¹¹⁷⁾ Journal der praktischen Heilkunde von Hufeland und Harles, Jahrgang 1814. Stück 2.

Partim, ni fallor, propter vehementem trismum huic aegroto opium in clysmatibus porrigebatur, partim vero, cur haec opii applicandi ratio in casu nostro paeferenda fuerit, me nescire profiteor; nam, etsi trismus die XIX mensis Martii jam valde minutus erat, tamen ad finem curationis usque opium in clysmatibus adhibebatur. Num forte semper haec applicandi ratio paeferenda erit, quoniam intensa crassa majore absorbendi, quam alienandi facultate fruantur, ita ut opium minus integritate sua privatum in succorum massam transeat, ergo efficacius sit?

Memoratu dignissimum etiam mihi videtur, quod pulsus, etsi multo sanguinis saepe corpori ademto, per totum morbum plenus, satis durus et ita frequens erat, ut fere XC ictus quavis sexagesima faceret; et demum, tetani symptomatibus prorsus sublatis, mollior, tardior, magisque normalis fiebat. —

Postquam igitur proximam tetani causam, et cur in ejus cura sanguis mittendus sit, accuratius explicare studui, restat, ut, quid in universum in hoc morbo curando observandum sit, exponam.

Duae hic extant indicationes:

- 1) Causae remotiores sunt tollendae,
- 2) Tetanus ipse curandus.

Quod ad priorem indicationem attinet, causae remotiores saepe tolli nequeunt, quoniam partim jam nullam vim exercent, ut terror, partim removeri nequeunt, ut vulnera profunda magnis nervorum truncis disruptis, partim denique nobis prorsus non notescunt. Ubi vero eas tollere possumus, artis paecepta sequimur.

Si refrigerium et suppressa cutis functio adest, diaphoreticis utimur; si haemorrhagiae normales aut jam assuetae, vel aliae secretiones, vel exanthemata suppressa sunt, haec restituimus; res nocivas, ut vermes, cruditates, bilis, spirituosa, venena cet. e primis viis removemus.

In eligendis remediis, quae ad hoc consilium exsequendum requirantur, semper ad tetani indolem respiciendum esse, nemo non facile videbit.

Si vulnera adsunt, jam tetanum eo paeccare studemus, quod aegrotum ab omni repen-

tina temperiei vicissitudine atque ab rebus nocivis modo dictis defendimus, quod nervos et vasa disrupta omnino dissecamus, ossium assulas, corpora aliena, extravasata removemus, inflammatione et tumore exortas constrictiones imprimis nervorum tollimus. Tetano jam exerto, hoc non affert auxilium, sed secundum Larrey¹¹⁸⁾ potius necet, cum incisionibus symptomata augeantur. — Nunc status vulneris dynamicus respiciendus est. Vehemens inflammatio ejus antiphlogisticis lacaliter adhibitis extinguenda est, puris secretio suppressa remediis irritantibus ad vulnus applicatis restituenda; eadem remedia adhibenda sunt, si vulnus laxum, torpidum cet. est, fomentationes anodynæ, si valde dolet, aut denique, ubi fieri potest, secundum Larrey¹¹⁹⁾ nonnullorumque Anglorum¹²⁰⁾ consilium membrum vulneratum amputandum.

Si hanc indicationem exsecuti sumus, neque tamen tetanus remittit, aut si cauae remotiores tolli non potuerunt, secundam indicationem perficere incipimus.

¹¹⁸⁾ Med.-chirurg. Denkwürdigkeiten aus seinen Feldzügen. Aus dem Franz. Lpz. 1815. pag. 80.

¹¹⁹⁾ ibid. pag. 89.

¹²⁰⁾ Dissert inaug. de tet. auct. Baumann. pag. 59.

Hic ante omnia tetani indeoles respicienda, atque cura secundum illam instituenda est.

Si aegrotus corpore robusto gaudet, si tempestatis constitutio inflammatoria est, si momenta inflammantia in aegrotum agebant, si morbus decursu rapido utitur, si facies rubefacta est, pupilla coarctata, pulsus plenus, durus, acceleratus, cutis turgescens, aut calore sicco affecta, si secretiones suppressae sunt, excretiones paucae, dolorificae, e. g. urinae; tetanus est inflammatorius, atque methodus antiphlogistica apto gradu adhibenda. Simul vero hic quoque magis symptomatice cum sanguinis missionibus antispasmodica optime conjunguntur.

Haec medendi methodus necessario magnopere mutatur, si aegrotus infirmae corporis constitutionis est, sed nihilominus tanti stimuli vim in eum exercebant, ut nervosi systematis plasticitas augeretur. Tum, ni fallor, locales tantum sanguinis missiones adhibendae erunt, cumque iis ad tollendam irritationem inflammatoriam et locales et universales stimuli antagonistici conjungendi. Simul in casibus ejusmodi antispasmodica in majoribus dosibus porrigenda.

Sin vero aegrotus debilis sensibilisque est, symptomata magis merum nervorum vitium indicant; si pulsus parvus, filiformis, maxime acce-

leratus est, facies pallida, collapsa, corpus sudoribus profusis, frigidis obtectum cet.: tam localiter, quam universe illa medendi methodo est utendum, quae tanquam narcotica, leniens, irritans, quin corroborans, ex clarissimum cujusvis aetatis medicorum observationibus, secundum artis praecepta adhibita, efficax apparuit. Ex remediis vero, quorum usitatissima supra enumeravi, alia abnormes nervosi systematis vitae actiones magis dynamice deprimere ac corrigere, alia materiae mixtionem, alia denique ejus cohaesionem mutare videntur.